



REPUBLIKA E SHQIPËRISË
KOMISIONERI PËR MBROJTJEN NGA DISKRIMINIMI

V E N D I M

Nr. 191, Datë 31/12/2015

Bazuar në pikën 11, të nenit 33, të ligjit nr. 10221, datë 04.02.2010 "Për Mbrojtjen nga Diskriminimi", Komisioneri për Mbrojtjen nga Diskriminimi:

KONSTATON:

Mbështetur në nenin 32, pika 1, germat "a" dhe "c", dhe pika 3 e këtij neni, nenit 33, pika 10 të ligjit nr. 10221/2010 "Për Mbrojtjen nga Diskriminimi", Komisioneri për Mbrojtjen nga Diskriminimi ka ndjekur të gjithë hapat administrativë që parashikon procedura e hetimit, për ankesën nr. 56, datë 10.07.2015, e Fondacionit Shqiptar për të Drejtat e Personave me Aftësi të Kufizuara, i cili përfaqëson të dënuar. Në këtë ankesë, pretendohet për diskriminim të të dënuarit Sulejman Dervishi, nga ana e I.E.V.P. Zahari, Krujë, nga Drejtoria e Përgjithshme e Burgjeve dhe nga Gjykata e Rrethit Gjyqësor Krujë, për shkak të aftësisë së kufizuar.

Mbështetur në dispozitat e ligjit nr. 10 221, datë 04.02.2010 "Për Mbrojtjen nga Diskriminimi", në përfundim të procedurës së hetimit ka dalë Vendimi nr. 161, datë 18.11.2015, i Komisionerit, me anë të të cilit është vendosur, si më poshtë:

1. "Konstatimin e diskriminimit, për shkak të aftësisë së kufizuar, të Z. Sulejman Dervishi, dhe të të gjithë të dënuarve me aftësi të kufizuara, nga ana e I.E.V.P. Zahari, Krujë.
2. Referuar pikës 1 të këtij Vendimi, të merren masa konkrete dhe të menjëherëshme nga ana e Drejtorisë së Përgjithshme të Burgjeve dhe I.E.V.P. Zahari, Krujë :
 - a. Për ndërtimin e rampave brenda ambienteve të institucionit, që mundësojnë lëvizjen e të dënuarve me aftësi të kufizuar.
 - b. Për sigurimin e shërbimit sanitar në 24 orë, duke e ofruar këtë shërbim edhe gjatë orëve të



Adresa: Rruga Sami Frasheri, Nr.10, Kati II, Tiranë
(Tek godina e Fondit Shqiptar të Zhvillimit)
Tel: +355 4 2431078
Fax: +355 4 2431077
e-mail: info@kmd.al
web: www.kmd.al

pasdites dhe të darkës.

- c. Për shtimin e numrit të kujdestarëve në organikë, në raport me të dënuarit me aftësi të kufizuar, si dhe ndryshimin e grafikut të shërbimit kujdestar, duke ofruar këtë shërbim me më shumë se 2 kujdestarë përgjatë 24 orëve.*
- d. Për sigurimin e shërbimit sanitar dhe kujdestar 24 orësh për Z. ... shtun T. ...*
- 3. Konstatimin e diskriminimit, për shkak të aftësisë së kufizuar, të Z. ... dhe të individëve me aftësi të kufizuara, nga ana e Gjykatës së Rrethit Gjyqësor Krujë.*
- 4. Referuar pikës 3 të këtij Vendimi, të merren masa të menjëherëshme nga ana e Gjykatës së Rrethit Gjyqësor Krujë, për gjetjen e zgjidhjeve konkrete, për të krijuar përshtatshmëri për lëvizjen e individëve me aftësi të kufizuar në ambientet e kësaj gjykate.*
- 5. Brenda 30 (tridhjetë) ditëve nga marrja dijëni për këtë vendim, I.E.V.P. Zahari, Krujë dhe Gjykata e Rrethit Gjyqësor Krujë të njoftojnë Komisionerin, lidhur me masat e marra për zbatimin e këtij vendimi.*
- 6. Në referim të nenit 33, pika 11, të ligjit nr. 10 221, datë 04. 02. 2011, "Për mbrojtjen nga diskriminimi", moszbatimi i këtij vendimi sjell si pasojë ndëshkimin me gjobë, sipas parashikimeve të pikës 13, të po këtij neni".*

Për sa më sipër, I.E.V.P. Zahari, Krujë ka marrë dijëni për Vendimin nr. 161, datë 18.11.2015, e Komisionerit, por edhe pse ka kaluar afati ligjor, nuk i ka zbatuar rekomandimet e KMD-së dhe nuk e ka njoftuar zyrtarisht KMD-në, mbi masat e marra për zbatimin e këtij Vendimi.

Në këto kushte, Komisioneri konstaton se I.E.V.P. Zahari, Krujë, nuk e ka zbatuar Vendimin nr. 161, datë 18.11.2015, e Komisionerit dhe është në shkelje të pikës 11, të nenit 33, të ligjit nr. 10 221/2010 "Për Mbrojtjen nga Diskriminimi", ku parashikohet: *"Nëse komisioneri urdhëron rregullime ose masa, personi kundër të cilit është paraqitur ankesa, raporton brenda 30 ditëve para komisionerit në lidhje me veprimet e ndërmarra për zbatimin e vendimit. Në rast se personi, kundër të cilit është paraqitur ankesa nuk e informon komisionerin ose nuk e zbaton vendimin, komisioneri vendos masë për ndëshkimin me gjobë për personin kundër të cilit është paraqitur ankesa. Sanksioni me gjobë shfuqizohet nëse personi kundër të cilit është paraqitur ankesa, e zbaton vendimin brenda shtatë ditëve pasi është vendosur sanksioni".*



Adresa: Rruga Sami Frasheri, Nr.10, Kati II, Tiranë
(Tek godina e Fondit Shqiptar të Zhvillimit)
Tel: +355 4 2431078
Fax: +355 4 2431077
e-mail: info@kmd.al
web: www.kmd.al

PËR KËTË ARSYE:

Bazuar në nenin 32, pika 1, gërma "ç", nenin 33, pikat 10, 11, 12, 13/b të ligjit nr. 10221/2010 "Për Mbrojtjen nga Diskriminimi", Komisioneri për Mbrojtjen nga Diskriminimi,

VENDOSI:

1. I.E.V.P. Zahari, Krujë të gjobitet në vlerën 60.000 (gjashtëdhjetë mijë) lekë.
2. Gjoha të derdhet në Buxhetin e Shtetit brenda 30 (tridhjetë) ditëve nga marrja dijani e këtij vendimi. Pagesa e kësaj vlere të bëhet pranë çdo banke në llogarinë e thesarit Tiranë, për llogari të: Komisioneri për Mbrojtjen nga Diskriminimi, NIPT: L02027451K, Kodi: 1091001, Entiteti i Qeverisjes: 1, Distrikti (TDO), Llogaria ekonomike: 7115499.
3. Zbatimi i Vendimit nr. 161, datë 18.11.2015 të Komisionerit për Mbrojtjen nga Diskriminimi, brenda shtatë ditëve nga marrja dijani për sanksionet, sjell shfuqizimin e tyre.
4. I.E.V.P. Zahari, Krujë duhet të njoftojë Komisionerin për Mbrojtjen nga Diskriminimi në përputhje me sa parashikohet në pikën 3, të këtij Vendimi.
5. Kundër këtij Vendimi lejohet ankim sipas ligjit.

Irma BARAKU



Adresa: Rruga Sami Frasheri, Nr.10, Kati II, Tiranë
(Tek godina e Fondit Shqiptar të Zhvillimit)
Tel: +355 4 2431078
Fax: +355 4 2431077
e-mail: info@kmd.al
web: www.kmd.al